

周
易
詳
說

周易詳說卷之八

三原劉紹彥註

三三

乾下
兌上

夬揚于王庭孚號有厲告自邑不利卽戎利有攸往
夬夬而去之也一陰乘五陽之上廻翔殿廷揚揚
得意五陽必夬之然方夬之際必同類相孚號于
外惕于中旣夬之後又必勤于自治務爲德化用
文告不尙武功然後利有所往乃能夬之而成純
陽之世陰衆曰邑陽衆亦曰邑乾爲金故以卽
戎戒之

彖曰夬夬也剛決柔也健而說決而和

乾健而兌說健爲夬而悅爲和

揚于王庭柔乘五剛也孚號有厲其危乃光也告自
邑不利卽戎所尚乃窮也利有攸往剛長乃終也

柔乘五剛明揚于王庭之爲陰在陽上也舊謂明
正其罪則已聲罪致討與不利卽戎又相礙矣其
危乃光言去小人之不易所尚乃窮言待小人當
不惡而嚴不可悻悻然見于面目也剛長乃終必
決去一柔化爲純乾乃曰剛長乃可爲善終而無
他患也

象曰澤上于天，夬君子以施祿及下，居德則忌。

澤上于天，謂氣騰于天，則降而成雨。君子法之，施祿惠以及下，若以祿爲已德，而儼然自居，則在所忌，皆防其潰決之道。

初九壯于前趾，往不勝爲咎。

五陽皆有決陰之責，但初位卑而遠，恃剛用獨，以是而往，計謀踈淺，必不能勝。咎之道也。卦以上爲首，下爲趾。易有以相類取象者，大壯四陽夬五陽，而大壯之長爲夬，故初皆曰壯趾。象曰不勝而往，咎也。

非往之爲咎不度其可勝而往之爲咎

九二惕號莫夜有戎勿恤

二剛得中小心慮禍呼衆陽共圖之人之防寇戎者多懈于莫夜能惕號于莫夜則雖有戎亦可無憂矣此爻勿恤與壯二貞吉同此卦主也象曰號曰惕惟此備之

象曰有戎勿恤得中道也

戎興暮夜而無憂者剛而得中所謂其危乃光者九三壯于頄有凶君子夬夬獨行遇雨若濡有愠无咎

決之道貴和三過剛不中壯見于面目宜有凶者
惟是此心決而又決雖與上六相應踪跡若爲所
染如獨行遇雨有所沾濡雖不免爲同列所愠然
審機觀變終當決而去之何咎之有 頰者首頰
骨也乾爲首故取象之兌爲澤故曰雨此爻壯頰
有凶與壯三用壯同

象曰君子夬夬終无咎也

形于面則有凶存之心則无咎

九四醫无膚其行次且牽羊悔亡聞言不信

四與陰相隔然以陽居陰急於前進如醫无膚而

坐不安、勉強前行次、且以喻勉強之象、當此之時、
惟制其剛壯、勿令前進、則悔可亡、而又恐當此時、
位者聞此言而不信也、牽制也、羊以喻其壯、兌
爲羊、四與陰同體而相背、有繫之象焉、又四于重
卦爲腹、于單卦爲足、繫者足上體也、壯四近二陰、
應決者也、故曰藩決不羸、夬四未近上陰、不應決
者也、故曰牽羊悔亡、

象曰、其行次且、位不當也、聞言不信、聰不明也、

位不當、故次且而不敢遽決耳、曰聰、目曰明、各有
所司、然耳苟失聞、雖聰亦等之不明、

九五莧陸夬夬中行无咎

莧朱子謂馬齒莧漢儒謂莧葉柔而根堅故象九五夫以高平之大陸棲此絲微細草于其間何異一小人在衆君子之間必戒之戒之夬之又夬則不爲中德之累而无咎矣○三五皆言夬夬三應陰五比陰也五疊五乾爲高岡而上微露以兌羊之角象澤菜之生阪上故曰莧陸○夬五乃直壯四之義以其近陰也故曰夬夬猶藩決也壯五反直夬四之義以其不在壯位也故曰喪羊猶牽羊也

象曰中行无咎中未光也

五近于六陽剛易溺于陰柔則失其中德而有闇蔽之累所以戒之

上六无號終有凶

至於上六陰既窮矣然戒惧之心猶未可忘苟以爲陰既盡而無呼號之備則其終必有凶。壯止四陽決之未盡故至上而猶觸藩決則五陽至上而決盡矣然非惕號則猶有凶猶之艱則吉之意也。

象曰无號之凶終不可長也

陽長則陰消，決盡爲純乾，陰豈可令長乎？

三三

巽下
乾上

姤女壯，勿用取女。

純陽之下一陰忽生，陰與陽遇，故名姤。以陰爲主，其女壯矣。壯則女德不貞，不可取也。○女壯之義，非以一陰始生於下爲壯，亦非以一陰遇五陽爲壯。蓋爻以專者爲主，此卦一陰獨專，則陰爲主也。陰爲主，故壯。

彖曰：姤，遇也。柔遇剛也。勿用取女，不可與長也。

不曰剛遇柔，而曰柔遇剛，蓋一陰浸長，五陽不動。

其勢在陰爲主也不可與長謂當扶陽抑陰勿令
浸長

天地相遇品物咸章也剛遇中正天下大行也姤之
時義大矣哉

坤之所始卽乾之所終故曰天地相遇以仲夏恢
台之候加之南離長養之時庶品萬類無不昭明
在一陰而遇五陽則爲詭遇以二五而并據陽位
則又得中且正是遇之不可無也然如此卦之以
柔遇剛則始不正而終有敵矣此姤之時與姤之
義所以大也

象曰天下有風姤后以施命誥四方

月令夏正之日施命令誥四方蓋取天下風行之象李厚菴曰微陰潛伏貴有以振動發散之

初六繫于金柅貞吉有攸往見凶羸豕孚蹢躅

此一陰應四比二出卽遇遇而卽止金柅本弱木而可以繫物却繫則吉行前見凶蹢躅佳足貌初陰在下如羸豕然豕而有遇卽相孚契不復與正應之四相遇故蹢躅不行耳羣豕之中獫狁而牝弱故謂之羸豕金柅木名寔如梨而黃故名金柅謝梅莊曰陰浸長則巽變艮故曰柅未變自二以

上皆乾。故曰金陰居最下。所處卑污。豕象也。
象曰。繫于金柅。柔道牽也。

金柅。弱木也。凡木弱曰椅柅。而可以繫物。故曰柔道牽。猶一陰最柔。遇二陽。卽牽戀而不進。
九二。包有魚。无咎。不利賓。

包容也。二卽遇初而包之。何咎之有。但二旣包初。則二爲主。正應之四。反爲賓。利于此。卽不利于彼矣。二在倒兌之中。兌爲澤水。故有魚。易之言魚者。三中孚豚魚。則上巽下兌。喜其有之。剝之。貫魚。則五剝至艮。惡其無之。此明徵也。

象曰包有魚義不及賓也

賓謂四包在此則不在彼以義制之使專一也

九三醫无膚其行次且厲无大咎

以上卦言則醫爲下体故夬四爲醫以下卦言則

醫爲上体

在股足之上

故姤三爲醫然夬之四卽姤之

三故其詞同但彼厭其遲此喜其緩耳无膚亦以

乘剛言不與柔牽則不遇當遇之時獨行无遇則

亦危矣然无陰之遇亦不受陰之害故无大咎

象曰其行次且行未牽也

牽制也病其次且欲進而不能自牽制

九四包无魚起凶

四與初應而初爲二所包則四無包之者矣起凶者非顯然之凶也謂凶由此見而由此起耳

象曰无魚之凶遠民也

陰爲民初亦爲民

九五以杞包瓜含章有隕自天

二之包制之也五之包覆之也五居尊位初在蔭庇之下如杞木高大枝葉繁盛瓜生其下耳中居得正含晦章美不動聲色而德輝所被陰邪自消盡福自天降非慶賞刑威之所致也杞卽杞柳

五月瓜生。杞柳正茂。故有此象。

象曰九五含章中正也。有隕自天。志不舍命也。

九五含章。緣有中正之德。故用意周密。靜以制之。志不舍命。謂念念不違天命。命亦自我造也。

上九婦其角。吝无咎。

角者首之盡上之象也。上去陰絕遠。不能制陰。故可吝。然非其事。任故无咎。義與九三同。而三厲而上吝者。上在事外。三與陰同體。故猶危其詞。謝

梅莊曰。凡言角者。非離卽兌。晉大壯離牛兌羊也。夫

反爲姤。浸長則兌羊變坤牛。上以剛居之。故亦取

角象

象曰、妬其角、上窮吝也、

不與陰遇、雖无咎、然君子終以不能濟時爲可羞、
爲其身、在事外、所處之窮、故爾、

三三

坤下
兌上

萃、亨、王假有廟、利見大人、亨、利貞、用大牲吉、利有攸
往、

萃聚也、聚有亨道焉、何以聚、感格祖廟、聚以神也、
利見大人、聚以人也、不亦亨乎、然聚必以正、其假、
廟也、用大牲則吉、其見大人也、有攸往則利、上亨、

字是萃之亨。下亨字是假廟利見之亨。用牲承格。廟言利往。承見大人言。二至五互觀。故彼曰盟。曰薦。此曰廟。坤爲牛。故曰大牲。

衆曰萃聚也。順以說剛中而應。故聚也。

坤順兌說。剛中謂五。應謂二。

王假有廟。致孝享也。利見大人。亨聚以正也。用大牲吉利。有攸往。順天命也。觀其所聚。而天地萬物之情可見矣。

王假有廟。聚精神以孝鬼神。利見大人。聚有德以正天下。用大牲。當豐則豐。利攸往。當往則往。皆萃。

之時使然順天命者順時也天地萬物之情不外聚神聚人而已矣

象曰澤上于地萃君子以除戎器戒不虞

除治也如除道路之除澤上于地則有潰決之憂人聚以衆則有爭奪之患故修兵戎所以防他變也

初六有孚不終乃亂乃萃若號一握爲笑勿恤往无咎

初與四正應有相信之道但五爲萃主初志又欲萃五不終其信乃散亂其萃四之志矣夫萃之時

羣情蠕蠕合并而動有號召者有持撻而捉搦者
有譁且笑者勿以爲意往而從四之正應則无咎
矣。內卦皆往萃于外。以外卦爲主。故下三爻皆
取兌象曰號兌爲口曰笑曰勿恤兌說也一握以
坤聚取象。錢氏志立曰萃與比同。比初無應曰
有孚者一於五也。萃初與四應曰有孚不終者有
二陽焉。不終於四也。

象曰乃亂乃萃其志亂也

志欲萃五故亂

六三引吉无咎孚乃利用禴

二五正應當萃亂之時二此心不變以忠順自結
于五若援引之者當萃之時有利見大人之義故
不以援引爲嫌百而且无咎此其誠信感孚可祭
以格神况于人乎禴夏祭名周禮宗伯以禴夏享
先王胡雲峯曰其享以樂爲主祭之薄者王弼以
爲殷春祭名見王制初應四四比乎五猶未得
其正惟二應五爲正此見大人所以亨利貞也而
假廟之義亦于此見之故以此爻爲卦主
象曰引吉无咎中未變也

二有中德故不似初之亂志變卽亂也

六三萃如嗟如无攸利往无咎小吝

三无應志欲萃而又嗟其无可萃也何利之有幸
比四陰在下而順乎上之陽往必得萃當萃之時
利有攸往故无咎但不萃五而萃四爲小吝耳
兌爲口故曰嗟

象曰往无咎上與也

互與在前猶可順則猶可比乎四之陽而得萃矣
不曰順而曰與明三與四五互與也

九四大吉无咎

九五萃之主而四輔之以大臣當天下之萃危疑

之地也。故必盡其平誠，乃可以致吉而无咎。陰小陽大，故二言禴。此言大。

象曰：大吉无咎，位不當也。

四有萃天下之責，則以臣擬君，故曰位不當。借爻位之當不當，以明德與時位之當不當。

九五萃有位，无咎匪孚，元永貞悔亡。

五居尊位，爲天下之所萃，故曰萃有位。然萃以勢位言，匪真有感孚之道，必大能永其貞固之德，則萃人以德而悔亡矣。萃象與比象畧同，故元永貞之詞亦同。胡雲峯曰：比卦五陰皆比五之一陽。

萃四陰皆聚歸五與四之二陽五曰萃有位以見四之萃非有位也。無尊位而得衆心非大吉安得无咎。

象曰萃有位志未光也。

徒以位萃未能光大所以貴元永貞也。

上六齋咨涕洟无咎。

上在卦外獨陰不萃然萃有利見大人之義苟齋咨涕洟以致其誠則亦可以得所萃而无咎齋咨兌口聲也涕洟兌口澤也自目出曰涕自口出曰洟。比卦有後夫凶之詞故上直曰凶此卦有利。

見大人之詞故上曰无咎

象曰齋咨涕洟未安上也

上猶外也雖在外不敢自安而呼號求萃于五

三三

巽下坤上

升元亨用見大人勿恤南征吉

升者賢人登進之卦是以大吉大人謂五用見謂

二利見者以此道見彼則利有待之辭用見者用

此人以見彼無可待矣又何憂之有前進則吉也

巽東南坤西南故曰南征

象曰柔以時升

三柔居上、下一柔亦乘時上進、

巽而順、剛中而應、是以大亨、

卦德巽巽坤順、卦体二剛中而五應之、汲引有人、勢之利于進也、故得遂其升而大亨、

用見大人勿恤、有慶也、南征吉、志行也、

見大人得遂其所圖、便是福慶、南征得遂其仕進、便是志行、

象曰、地中生木、升、君子以順德、積小以高大、

地中生木、由勾萌而干霄、木順性也、君子順德、由賢而聖、木一日不長則枯、德一日不順則退、勿忘

勿助順之謂也。

初六允升大吉。

柔以時升、雖主坤之三陰、然一陰始生于下、升之始也、初爲巽主木根、由寸而尺、由尺而尋、信乎其必升也、是以大吉。

象曰允升大吉、上合志也。

上謂三柔、合志謂三柔在上一柔居下、類同志合、亦乘時上進。

九二孚乃利用禴、无咎。

二應五、與萃剛柔不同而孚同孚于五卽升也、誠

可格神况于人乎。吳興達氣取象祭祀萃二以
中虛爲孚。升二以中寔爲孚。

象曰九二之孚有喜也。

孚五卽見大人矣。故彖傳言有慶。此言有喜以明
見大人者二也。

九三升虛邑。

坤爲邑。虛者高也。詩曰升彼虛矣。舊以虛邑爲入
無人之境者非。

象曰升虛邑无所疑也。

自初登三卽初所稱允升者初已信矣。三何疑焉。

六四王用亨于岐山吉无咎

王指五因其承於五也四近五君位不可升五用四通于山以求之使之主祭而百神享也折中曰不曰西山而曰岐山避彖辭南征之文

象曰王用亨于岐山順事也

四以柔居柔位居坤巽之間上順君下順民順之至也

六五貞吉升階

五更無可升固守以爲吉者惟是賢人登用以順而升如歷階然雍容揖讓君子當升之際始終于

禮義如此。

象曰貞吉升階大得志也。

升至此而登進賢人之志乃大得矣。象所謂有慶志行者。

上六冥升利于不息之貞。

升至五已極上則冥升矣。豈有利哉。惟進德修業升而不已則利耳。冥卽晦迷之義。陰極之卦又陰極之爻也。豫曰冥復曰迷。明夷曰晦。

象曰冥升在上消不富也。

上六以柔居柔。雖冥升在上而能自消損不至盈。

滿所以爲貞

三三兌上坎下

困亨貞大人吉无咎有言不信

困窮也身雖窮而心可亨要在守其正固之大人
乃能吉而无咎困者宜默若徒以口悅人人必不
信欲以亨困難矣兌口言象坎耳在下信象巽
疑在互有言不信象

彖曰困剛揜也

坎剛爲兌柔所揜二剛爲三柔所揜五剛爲上柔
所揜故名困乃君子見蔽小人之象不言揜剛者

尊剛也

險以說困而不失其所亨其惟君子乎

坎險兌說險者境之困說者心之亨卦德如是雖困而不失其所此其所以亨也然惟陽剛之君子乃能之龍仁夫曰所字爲句亨爲句所如艮其所之所

貞大人吉以剛中也、有言不信、尚口乃窮也、

二五剛中皆足濟困、苟徒恃兌口、冀以言辭動人、

此則小人之處困者窮可知矣、

象曰澤无水困、君子以致命遂志、

澤者陂池之類坎在兌下似陂塘之漏水澤涸時也致命者委之于命所以習坎遂志者適志也法兌之說

初六繫困于株木入于幽谷三歲不覿

卦主剛掩以柔困剛觀之諸爻則不無剛柔俱困之理下體爲繫兩陰豁然象坎初陰之位乃一畫當前比之堅木

見說卦

有根株而无枝葉後旣不可

爲據前輒動而見碍夫旣不能出當觀所入坎有重窩而此當最下如幽谷然一入其中歷坎之盡勢必三歲雖二四互離張目下視而究無所覿矣

象曰入于幽谷幽不明也

柔揜剛剛亦掩柔初揜二下故曰不明

九二困于酒食朱紱方來利用亨祀征凶无咎

九二陽剛得中上與五應乃君子在位不得行其道者也鼎烹之養車服之榮人以爲榮君子以爲困也唯竭誠盡忠以事神者事君冀幸君心感悟而後可以行吾道否則不可行而行凶立至矣然以行道而得凶亦无咎也朱可亭曰利用亨祀謂用酒食朱紱以享神也不用而去既有所不忍用之以征則又取凶用以享祀受福惟有德者能

之正義以綏爲祭服

象曰困于酒食中有慶也

卦以二五爲剛中之大人故二曰中有慶五曰以中直

六三困于石據于蒺藜入于其宮不見其妻凶

三揜剛剛亦揜之前承九四之剛如大石然進無所行後乘九二之剛如蒺藜然退不可依據依互

離中虛有若宮然乃以六居之又與上應失其夫位故不見其妻而凶初在下坐而困者也三居進退之際行而困者也

象曰、據于蒺藜、乘剛也、入于其宮、不見其妻、不祥也。
曰、乘剛、明蒺藜之爲剛、恐人泥象而他求、易最重
乘剛、故不言困于石之爲承剛、不祥者、无所歸也。
九四來徐徐、困于金車、吝、有終。

金車、謂二剛以載者也。四下應初、初爲二所揜、不
能急來相就。四欲與應、亦畏金車之阻、欲拯人之
困而反自困、其无濟困之才、可知。吝之甚也。然徐
徐而來、終必相遇、故曰有終。坎爲輿、象車。

象曰、來徐徐、志在下也、雖不當位、有與也。

下謂初。雖徐徐而仍來、可知其志與初應、有與亦

以應初言

九五劓刑困于赤紱乃徐有說利用祭祀

上掩柔下乘剛劓刑之象二朱紱方來五則困于
朱紱矣然九五剛中說體能從容以處之自可出
困而愉快也利用祭祀亦與二同 困无君象九
五臣位之至尊者截鼻曰劓去足爲刖兌爲毀折
劓刑象爲巫故亦利用祭祀互離故爲赤紱

象曰劓刑志未得也乃徐有說以中直也利用祭祀
受福也

刑人不服于居尊臨下之志未有得也乃徐有說

者以有中直之道善處困者也五二同爲剛中而
二在險中不得曰直五在兌中兌爲說遂志者也
故曰直也利用祭祀者以誠事神神必享之自此
乃出困矣

上六困于葛藟于臲卼曰動悔有悔征吉

上處困極勢高且危如以弱絲糾纏机捏不能自
安者苟能自思曰吾動皆悔矣由是惕然而有悔
焉離而去之以此征行必獲吉矣

象曰困于葛藟未當也動悔有悔吉行也

上處困極而揜剛故曰未當吝者凶之機悔者吉

之萌吉則可行而不至于困矣

三三

巽下坎上

井改邑不改井无喪无得往來井汔至亦未繙井羸其瓶凶

井以巽木取水爲義二五剛中以利濟爲心猶井泉以養人爲用世變則邑變而利濟生民之道不變如井道之不改道不行不因之而汚如井之取不竭道行不因之而降如井之滿不溢往者過來者續斯道常在如井水之不舍晝夜但剛中在下貴有汲引之人猶井有泉須得汲引之具倘汲水

至井綆未及收而毀其汲水之瓶不亦凶乎以喻
道之不行。繙者綆也。羸者毀也。坎離缶。巽繩兌
毀折故其象如此。馮厚齋曰。瓶文从缶。瓦器也。或
謂古无桶故不取巽木象。

象曰。巽乎水而上水。井。井養而不窮也。

下巽上坎以巽木下入而取坎水于其上汲井之
象故名井。井之爲道養人而至溥至久者也。

改邑不改井。乃以剛中也。汔至亦未繙井。未有功也。
羸其瓶。是以凶也。

坎以二柔爻爲井。一剛爻爲泉。故曰井道之不可

更以泉源故也。未有功者，以無汲引之具，猶賢者無汲引之人，羸其瓶，以喻小人用事。未有不覆國喪家者。或問不改井之義，曰：世變則邑里丘墟，故曰改邑而井。養之道，鑿井之法，易地皆然，故曰不改。

象曰：木上有水，井。君子以勞民勸相。

木上有水，津潤上行之義也。坎以勞之，巽以申命而勸相之，勞者省耕，省斂之類。相者相友相助，扶持之類。

初六：井泥不食，舊井无禽。

卦以三陽爲泉。六陰非泉。初九在下，乃井之无水而徒有泥，不可食者也。所以然者，蓋爲管井，未經修鑿，雖禽鳥亦无有下顧之者矣。何玄子云：杜詩「鷓鴣窺淺井，可見有水則有禽」，吳爲鷄禽也。謝梅莊曰：爲木亦禽所栖。今木異乎水，禽既不栖，又在下爲泥，人所不食。井旁亦无餘瀝可吸，故无禽。本有而无，此象所以无定也。

象曰：井泥不食，下也。舊井无禽，時舍也。

井以上出爲功，故不食者以其在下。井以人用不壞，故无禽者以其棄而不用。

九二井谷射鮒甕敝漏

射音亦陽子太立云密雨
淇沫潤于枯瀆三日射谷

二陽剛有泉但在井下內水不浮外甕不治儼溪

井之在山谷者射厭也谷之受水徒以厭飫小魚

于人何與有若飮壺身敝底漏所謂羸其瓶者

鮒小魚也陰伏陽下魚遊水中之象

象曰井谷射鮒无與也

汲之引之必有所以與之者顧誰則與此蓋君臣

遇合之難也

九三井渫不食爲我心恻可用汲王明並受其福

三在井中居剛乘剛下鮮敗漏井之渫去其污者

也。潔清也。但剛不中五非應不食之象有才見棄行

道之人亦皆惜之幸三五互離五爲王位互離則王明矣王若明則必用三不至棄而不食將見下得利濟之益上有太平之象不亦均受其福乎

象曰井渫不食行惻也求王明受福也

夫不食而惻非我惻有惻之者也王明之求非我求有求之者也並惻之並汲之亦並求之非並受之而何 三五非應非比故曰求

六四井甃无咎

以磚壘井修井之壞謂之甃四居井之中中不汚

敗外得蹇蹇雖尚未出井以濟人而于已則无咎矣以離中之火燒坤土爲蹇故有此象

象曰井甃无咎修井也

修其任已聽其在人

九五井冽寒泉食

冽寒氣嚴也五剛中居上此土水時也寒冽可食濟人利物者也坎比寒地得乾之中爻乾金亦寒德也水寒益甘故取此象

象曰寒泉之食中正也

坎以中陽爲泉故曰中五居上位得以濟人故曰

正

上六井收勿幕有孚元吉

收甃訖收口也上爲井口其功旣成其利斯溥坎口不掩有養人之實德取不盡用不竭大吉之道也

象曰元吉在上大成也

由舊而修而成而進于大成此井養之不窮而汔至之所以未育功也

周易詳說卷之九

三原劉紹攷註

三三

離下
兌上

革已日乃孚元亨利貞悔亡

已音以已日謂已革之日人情安常習故非其時而言革則衆心不服悔且不免何亨之有已日乃孚謂當可革之時革之而人皆信從尤必大亨以正而後無可悔之事也 總論革之道舊註謂已革而後人信之來矣鮮毛西河謂已爲戊巳之巳夏火秋金必隔戊巳離火兌金必隔坤土則是

周易言言 卷之九
調和之說非革義矣。且兌之爲金，乃占卜之術，易无此象。

衆曰：革水火相息，二女同居，其志不相得，曰革。

澤決則滅，火炎則燬，水皆可相熄，二女同居，本皆失志。睽中女上而少女下，長少不素，猶不無同憂相恤之心。革則女兄在下，女弟在上，孤婆旣不堪復，以先後短長之故，相對詬誶，故曰不相得。朱漢上曰：坎兌一也，澤者水所鍾，無水則無澤矣。故革兌亦爲水。

已日乃孚，革而信之。文明以說，大亨以正，革而當，其

悔乃亡、

革而信之、謂已革而後人信之也、卦體文明以悅、尤必大亨以正、然後革而得當、乃亡其悔、皆所以深戒之、彖未有言悔亡者、唯革有之、革易有悔也、

天地革而四時成、湯武革命、順乎天而應乎人、革之時大矣哉、

唯天地乃可以革時、唯湯武乃可以革命、非湯武則不可、所以防萬世之亂、臣賊子也、

象曰、澤中有火、革、君子以治曆明時、

帝王之革五德并與天地之革四時代謝晦朔者
一月之革亥子者一日之革故君子法革以治曆
初九鞏用黃牛之革

初未當革時一若有束之者所謂鞏也

說文以韋束物爲鞏

離爲牛剛其革也故其象如此

象曰鞏用黃牛不可以有爲也

旣堅且韌急不能革故曰不可有爲

六二已日乃革之征吉无咎

六二中正上與九五相應此卦主也故辭與卦同
朱可亭曰乃字不承已日承六二謂當革之時如

六二之才乃可革之也。二非已日，征非往，革經賁，全在革前。

象曰：已日革之行有嘉也。

嘉者嘉耦之嘉言與五應。龔氏煥曰：二言已日乃革，不可遽革者也。四言有孚，改命則事革矣。九三征凶，貞厲，革言三就，有孚。

三四之間，改革之時也。但九三過剛，恐其躁動，故戒以征行則凶。又不中正，恐一于靜而不能革，故戒以守正亦厲。必以革之之由布告于人，至于再至于三，知湯誓盤誥就者成就，誓命已定之意，乃

可以信于人也

象曰革言三就又何之矣

又何之言无走逗處也熟思審度慮无遺策

九四悔亡有孚改命吉

四之時革而當矣故在已爲悔亡而在人爲有孚
即行革命大事亦得其吉不曰革而曰改改者革
之至也

象曰改命之吉信志也

南巢之放來享來王牧野之師會同八百要皆信
其无利天下之志也

上木下火。象爻以享帝養賢之鼎言。前革後震。大
象以卜年卜世之鼎言。正位者。法鼎之鎮重。凝命
者。項平菴曰。存神息氣。人所以凝壽命。中心无爲
以守至正。君所以凝天命。

初六鼎顛趾。利出否。得妾以其子。无咎。

否。汚也。以左右之也。子。內子。卽夫人也。初爲鼎足
而上應四。以下援上。顛之象也。此時无寔而有否。
顛則出矣。巽反爲兌。長女退位。少女用事。猶得妾
而左右其內子。何咎之有。

象曰。鼎顛趾。未悖也。利出否。以從貴也。

顛爲悖顛而出否則不悖矣出否而有利于昇猶得妾而有益于內子以賤從貴亦不悖矣貴謂內子對妾而言

九二鼎有實我仇有疾不我能卽吉

仇匹也謂四二爲昇腹陽剛爲寔二與四同居昇腹是四者我之匹也四覆其餽仇之疾也然彼自有正應又隔于三不能近而害我故于二則吉卽近也

象曰鼎有實慎所之也我仇有疾終无尤也

慎所之言當應五不當比初四雖覆餽无害于我

故曰无尤

九三鼎耳革其行塞雉膏不食方雨虧悔終吉

鼎耳謂五三陽居中此爻居三陽之中寔之美者也然與六五无相遇之道有革異之情故其行則不通于雉膏則不食猶人有才德而不爲時用與井三同也然陰陽終必和合始雖有不遇之悔終當有相遇之吉三居木之極迫火之下風從火上物必從革故有革象三至五互兌爲澤故有雨象

象曰鼎耳革失其義也

義者宜也、節也、三五無相應之理、違水火之宜、亡烹飪之節、故曰失義、

九四鼎折足、覆公餗、其形渥凶、

餗者美饌、渥者沾濡之貌、四居鼎腹之上、乃昇寔之滿者也、下應初陰、初爲足、陰柔不能自立、折足之象也、足折則寔傾于外、羹濡形渥凶可知也、

初陰在下而上應陽、故无咎、四陽在上而下應陰、猶居下位而用小人、故凶、初曰趾、四亦曰足、以四應乎初、四之足卽初也、

象曰、覆公餗、信如何也、

居大位而寔不稱失許國之信

六五鼎黃耳金鉉利貞

腹上爲耳貫耳以舉鼎爲鉉二者不相離也五柔中比上九有養賢之義如黃耳而受金鉉但任賢勿貳故以利貞戒之五爲離中所謂黃離者故曰黃金亦黃色也

象曰鼎黃耳中以爲實也

耳非寔鼎之地然下應二三之所有卽五之所有故二曰鼎有寔五卽曰中以爲寔此象之得中而應乎剛者雖无寔寔在其中焉

上九鼎玉鉉大吉无不利

上者鉉也。鉉爲耳。設不能離耳。故五爲耳而鉉。卽及之。金鉉者。以金爲鉉也。玉鉉者。就金鉉而飾之以玉也。享帝養賢之器備矣。故大吉而无不利。金以爻剛取象。剛而能柔。溫潤以栗。故又象玉。上曰鉉。五亦曰鉉。以五附乎上。五之鉉卽上也。象曰。玉鉉在上。剛柔節也。

節者。節文之節。剛柔以爻位言。五爲金。金雖剛而有從革之義。故柔爻象之。上爲玉。玉雖溫潤而磨不磷。涅不淄。故剛爻象之。剛而能柔。溫潤以栗。大

寶之形亦正位凝命之所在也。

三三

震下
震上

震亨震來虩虩笑言啞啞震驚百里不喪匕鬯

萬物出乎震于時爲春于德爲仁亨可知也震爲雷雷之來人未有不惧况其游至故虩虩而恐惧惟其能惧于先卽定靜于後而言笑如故

啞啞卽笑聲

使變出非常驚至百里而不失其所守七者撓鼎器也以棘爲之將薦之時撓鼎中牲體出而升之于俎上鬯者灌也秬釀鬱草爲酒而灌地以降神皆主祭者身親之毛西河曰或問雷震何以喪

七鬯曰不過如當飲墮杯當食失箸等廣譬及之耳其象一剛載二柔鼎肉尚在七七不喪也互坎于仰孟之中所酌尚在睪鬯不喪也

彖曰震驚震來虩虩恐致福也笑言啞啞後有則也震驚百里驚遠而惧邇也出可以守宗廟社稷以爲祭主也

以恐致福而有法則故雖驚遠惧邇而出可繼世主祭也則其不喪七鬯可知

象曰洊雷震君子以恐懼修省

洊再也重也恐懼者畏天之威修省者修德省過

初九震來虩虩後笑言啞啞吉

震之用在下重震之初又最下所以爲卦主故詞與卦同增一後字者明非震前也

象曰震來虩虩恐致福也笑言啞啞後有則也

爻之後震後也傳之後笑言後也

六二震來厲億喪貝躋于九陵勿逐七日得

億大也二雖當位所乘者初震之剛雷始發聲驚惧必甚然居下位未有重器之守不過大喪其貨貝耳高陵者遠去之象躋而避之處震之道也二有中德時至則亨不過七日喪者復得震發聲

于卯收聲于酉其數七也程傳云爻止于六故七日而得貝形腹排齒與二陰兩兩排對相似故取其象億者十萬之名多也大也故孔子直指之曰大无喪也二至四互艮高陵之象 胡雲峯曰九卽初九躋于九陵二進在初之上也七日得旣濟六二占同皆於六二言之者自二至上又自上而二七數也

象曰震來厲乘剛也

爻義已明 五亦乘剛而不言以二例之二亦有中德而不言以五例之

六三震蘇蘇震行无眚

蘇蘇緩散貌三柔居陽初震稍遠卽緩散自若必也法震之行而恐懼修省乃可无眚眚疾也互坎爲眚故象之

象曰震蘇蘇位不當也

以柔居陽不當其位故不能法震之行耳

九四震遂泥

初四皆卦之主但震取陽生在下之義猶艮取陽升在上之義故震以初爲主艮以上爲主也四不當位又陷于二陰之間震驚之極遂至身居泥中

不自振振若此。互坎故象泥。遂成也。卽遂事不諫之遂。

象曰：震遂泥，未光也。

身居坎陷，必无正大光明之事。

六五：震往來厲，億无喪有事。

處重震之中，震往而復來之象。雖亦危厲，而雷頻則威失，故大无喪。其有事，有事者祭主也。春秋凡祭祀皆曰有事。

象曰：震往來厲，危行也。其事在中，大无喪也。

危卽厲，卽恐懼也。加一行字，蓋不徒恐懼而已。必

有修省之事焉。爻曰億无喪。傳曰大无喪。明億之爲大也。示人之意切矣。

上六震索索。視矍矍。征凶。震不于其躬。于其隣。无咎。婚媾有言。

索索卽兢兢矍矍。驚視未定之貌。上柔居陰。與五爲隣。五億无喪。而上已蕭索眩瞀。則神守喪矣。以此征行凶之道也。然禍未及身。先自戒備。何咎之有。但不免爲三所嘲笑耳。三上剛柔不應。曰婚媾者。以陰陽正位言也。

象曰震索索中未得也。雖凶无咎。畏隣戒也。

五得中故无喪上索索不中故也位凶而能无咎者有戒心也戒則修省之功急矣故曰震无咎者存乎悔

三三

艮下
艮上

艮其背不獲其身行其庭不見其人无咎

陰陽不交于卦爲艮于方爲北于身爲背故背字從北從肉而艮字有反身之象艮其背者止于止之方也靜則廓然大公內不見已是不獲其身也動則物來順應外不見人是行其庭不見其人也當止而止故无咎 艮爲門闕兼則兩之兩門之

間庭象也。于方爲北者。日月不照北極之下。于身爲背者。胸臆皆見而背不見也。

彖曰。艮止也。時止則止。時行則行。動靜不失其時。其道光明。

人皆知艮之爲止。而不知艮者震之反對。艮爲止而震爲行。行動也。止靜也。靜不可久也。時亦不可失也。動靜合宜。積中而發外矣。艮多言。輝光光明。皆以充寔之故。中庸所以貴誠也。彖言止。傳補出時字。猶爻二多譽。五多功。象傳指出中字。六十四卦內言時者。十之四。言中者。十之六。正孔子一

生得力處學者宜究心焉

艮其止止其所也上下敵應不相與也是以不獲其身行其庭不見其人无咎也

彖曰艮其背傳曰艮其止易背爲止以明背卽止也所卽背也止也此以卦體言陽上陰下各止其所也若六爻則初四二五相應而皆陰三上相應而皆陽同類相等乃我匹敵無相應之情故曰不相與與卽應也彖所謂不獲不見者唯此之故孔穎達曰八純之卦皆六爻不應何獨于此言之謂此卦旣止而不交爻又峙而不應與止義相協

故兼取而明之。傳以艮其止領起下以不獲不見雙收可見艮其背一句總貫通節不獲其身以靜言不見其人以動言。

象曰兼山艮君子以思不出其位。

董氏曰兩雷兩風兩水兩火兩澤皆有相往來之理惟兩山并立不相往來乃止之象也丘建安曰位者止之所。

初六艮其趾无咎利永貞。

六爻皆以人身取象初在下趾象也趾動物止則足不妄行足容重也何咎之有以柔故戒以永貞。

象曰艮其趾未失正也

有當止有不當止總以不失時爲正止于足雖未必合時而足容重矣故未爲失正

六二艮其腓不拯其隨其心不快

上于趾者腓也隨者隨三二與三同體三在上爲艮主情親而分尊猶子弟之于父兄欲不隨不得也三過剛不中失止之宜二不能以其中正之道救之是以其心不快

象曰不拯其隨未退聽也

三能得之于二二不能得之于三故爻詞原二之

心而象傳又明其咎之所歸曰未退聽也初在下故曰退

九三艮其限列其夤厲薰心

限人身上下之間漢儒皆以爲腰帶處夤者夾脊肉卽背腎也三陽爲限限不當止止則上下判隔脉絡不通從後以觀祇夤之橫亘有似乎排列者此痿痺之疾身不動而心則焦矣 二三坎體坎爲心病故曰薰曰不快

象曰艮其限危薰心也

此不當止而止者也

六四艮其身无咎

此身字就限以上說。乃上身非全身也。身止而不
印。鞠躬示卑立容辨也。何咎之有。

象曰艮其身止諸躬也。

屈身爲躬止諸躬謂屈其身也。折中曰易其字爲
諸字便見得是止之于躬。與夫正本清源自然而
止者畧異矣。

六五艮其輔言有序悔亡

輔口頰也。言之所出。輔止而不肆。出言有章。口容
止也。悔可亡矣。

象曰艮其輔以中正也

吉人之辭寡故艮其輔爲得中得正不以位言

上九敦艮吉

元首止而不動敦厚之至頭容直也 陽動而上

已極則止故三不得爲卦主此爻乃極上而止者

也○爾雅丘再成曰敦敦者兼山之艮也剛寔居

上而爲艮主故直以艮山與之

象曰敦艮之吉以厚終也

說文曰厚者山陵之厚則敦與厚皆取義于山也

終以艮言萬物之所成終而所成始也

三三 艮下
巽上

漸女歸吉利貞

漸者不遽進之義事之有漸莫如女子之嫁六禮成而後行士之進能如之則吉矣然進以漸尤必進以正而後利也咸取女吉取者之占漸女歸吉嫁者之占然皆以貞艮為主

彖曰漸之進也女歸吉也

傳若曰漸之進也不遽爲進所以別於晉之進升之進也巽女不遽下艮男不遽上各以漸也漸而後進始吉也

進得位往有功也進以正可以正邦也其位剛得中也止而巽動不窮也

進得位謂五進以正謂二剛中謂五孔穎達曰上言進得位嫌是兼二三四等故特言剛得中以明得位之言唯九五也止而巽謂二止則不進巽則可進故曰動不窮

象曰山上有木漸君子以居賢德善俗

木以漸而長俗以漸而善以賢德自居不以賢德律人而俗自善焉居德法艮之止善俗法巽之入初六鴻漸于干小子厲有言无咎

于者水涯詩曰在河之干是也初位最下甫入仕途同類起而謗之猶鴻集江干兒童噪而逐之然无咎也 吳爲雞艮爲黔喙之属皆鴻象也昏禮用之飛又有序故全卦皆用此象近坎水故曰干艮少男故曰小子 胡雲峯曰子午以東爲陽子午以西爲陰由艮達巽子午以東陽氣之地也立春以後鴻雁來故六爻皆係以鴻

象曰小子之厲義无咎也

同列之謗人情則然已不躁進于義无咎

六二鴻漸于磐飲食衎衎吉

磐者大石。衍衍和樂之意。此爻以陰應陽。合乎女歸之義。當漸時。有以自守。漸于磐者。介于石也。飲食衍衍。甘家食也。飲啄自如。不圖妄進。吉可知矣。
艮爲石爲山。故曰磐。

象曰。飲食衍衍。不素飽也。

所以甘家食者。不輕進而虛糜人祿也。磐雖非鴻集之處。然二居互坎之中。乃水旁石也。故有以衍衍而自得。

九三。鴻漸于陸。夫征不復。婦孕不育。凶。利禦寇。

高平曰陸。夫婦以應比。取象三應上。以上爲婦。而

上剛非婦也。三爲夫而當艮體乃少男也。少男不當娶長女則三亦非夫矣。非夫婦而夫婦之夫麗非其羣往必不敢復。婦失其道孕必不敢育。凶如何也。然三剛體比與共相保安。物莫能間以之。禦寇則利矣。艮爲山象陸。互坎爲血卦。互離爲大腹。象孕三止體故孕不育。坎爲盜象寇。象曰夫征不復離羣醜也。婦孕不育失其道也。利用禦寇順相保也。

麗附也。配非其羣可恥之甚。失其道謂遇非其人。故不敢育。順者比與保者艮剛能自固也。孔穎達

曰四以陰乘陽嫌其非順然好合相得和比相安故曰順相保

六四鴻漸于木或得其桷无咎

桷、椽也。四以陰承陽合乎女歸之義。故有鴻漸于木之象。鴻之栖也以蹠不以爪焉。能漸木但四陰木根未高得桷之象可以容足亦无咎也。象曰或得其桷順以巽也。

所以能得桷者以有順德而從容不迫也。

九五鴻漸于陵婦三歲不孕終莫之勝吉。

五雖得二爲夫二艮體能止而守正男不先女女

必不先男。遲之又久。尙未受孕。終不可以情欲勝也。得婦如此。不亦吉乎。巽爲高。象陵。五亦在互離之中。但巽爲不果。故不孕。

象曰終莫之勝吉。得所願也。

得婦如此。志願足矣。此彖傳所謂剛中者。

上九鴻漸于陸。其羽可用爲儀。吉。

陸卽三之陸也。旣漸于陵。復漸于陸。以巽爲進退。巽極則進而又退。然此亦漸之至也。知進知退。清風高節。可爲儀表。與蠱之上九志可則者同。陸叶羅儀叶俄。古音如是。以上五爻皆有韻。故此爻

亦當以韻讀之。儀舞也。書鳳凰來儀。文舞用羽名羽舞。故云。鄭剛中曰。雉取其綵。鷺取其白。鴻取其知時。以其羽爲儀。則君子去就進退之義。可觀以爲法矣。

象曰。其羽可用爲儀。吉。不可亂也。

言不以富貴亂其心也。處卦之終。旣無所取于歸與進之義。則反以无應爲宜。以羽舞言之。舞有次第。如鴻序然。

初上二爻。寧退无進。可見進不可以不漸。二五三四。貞吉不貞凶。可見進不可以不正。胡雲峯曰。

二居有用益人國家而非素飽。上處無用爲人儀表而非無用。二志不在溫飽。五卓然不可亂。士大夫之出處於此當有取焉。

三

三兌下震上

歸妹征凶无攸利

兌少女震長男兌爲震妹故曰歸妹征者言其往之時也。无攸利者究其終竟此卦之義漸之反也。直著占詞與大有昇同蓋尊賢育才者人君之盛節自媒自荐者士女之醜行。

彖曰歸妹天地之大義也。天地不交而萬物不興歸

妹人之終始也

陰陽聚列必需交媾男女交而人民蕃猶天地交而萬物興雖震兌不交而乾首得震坤終成兌卽借此陰陽交索之情爲歸妹婚姻之義曰此亦生人之終始也

說以動所歸妹也

上言歸妹之善惟如此卦則不善耳以卦德言以說而動動必不正以卦象言女先于男是所欲歸者妹又以少耦長是所歸者乃妹也失于禮又愆于義矣

征凶位不當也。无攸利柔乘剛也。

初至五剛居柔柔居剛皆不得位上雖當位而所應亦陰猶不當位也。乘剛專以三五言。

此卦爻義最難明晰講說紛紛終覺扞格因思爻統于象而象義具于彖傳孔子明以不當位柔乘剛斷盡此卦之義執此二句以求六爻則瞭然明白而衆說可息矣。

象曰澤上有雷歸妹君子以永終知敝。

以澤感雷陰氣先動猶女先于男故曰歸妹其始不正其終必敝。謝梅莊曰君子觀乘垣望關之

時早知其有桑葉黃隕之嘆矣

初九歸妹以娣跛能履征吉

天子諸侯一娶女君則其餘皆娣娣者媵妾也初
剛居下而无位侍婢之象妹歸娣隨必有侍婢左
右之以者左右之也侍婢聽命於人猶跛者不正
行而側行吉也

象曰歸妹以娣以恒也跛能履吉相承也

妹歸娣隨而侍婢從之亦常事耳女自歸非常侍
婢從娣乃爲常也承者不擬君而恭順以承君初
有剛德故也正義以妹從娣而嫁則從娣者侍婢

非姊也

九二眇能視利幽人之貞

卦唯二五有應然六爻皆取女象二以剛居柔位
不得當妹之眇于目者雖一目亦可以視而人罕
聘之守其不字之常而已兌爲毀折初二兌體
故曰跛曰眇履卦亦然

象曰利幽人之貞未變常也

幽者幽閒貞者貞靜婦道之常

六三歸妹以須反歸以娣

須待時也三柔乘剛賤不安賤當歸妹之時有欲

求爲室主之象。未當其時。故宜有待。反而歸之。仍用爲婢。左右乎娣而已。舊說須爲賤女。按娣亞于君。非賤也。安有賤女爲人所不受而反歸爲妹者乎。

象曰歸妹以須。未當也。

三柔承剛。不當其位。

九四歸妹愆期。遲歸有時。

何休謂婦人八歲備數。十五從嫡。二十承事君子。四以剛居柔。不得位。又无其應。乃女之未及年者。至于過期遲回不前。必有時焉。然而遲矣。此象之

所謂位不當者。

象曰愆期之志有待而行也。

愆期而无二心所以待年也。

六五帝乙歸妹其君之袂不如其娣之袂良月幾望吉。

君女君妹也袂衣口也此亦乘剛者但柔中下應二剛如帝女下嫁主家輿服有不及姪娣而不爲嫌者女德之盛無以加此則其婦道終始如月之將望而未有已何其吉也。帝出乎震甲乙皆木遂借殷王成號爲震兄之稱其云歸妹或殷王當

曰原有歸妹一事也。

象曰帝乙歸妹。不如其娣之袂良也。其位在中。以貴行也。

行謂應二。指出中字行字。以明此爻雖亦乘剛。不與他爻同也。

上六女承筐。无實。士刲羊无血。无攸利。

上雖當位。而所應亦陰。非正配也。女將于歸。欲承筐以薦。而无所薦也。士家娶婦。欲刲羊以祭。而无可祭也。故曰无攸利。先女後士。罪在女也。初至五皆不得位。然或妹或娣。各有其分。若上以爲妹。則

爻柔應亦柔。固无所歸。以爲娣。則位在五上。果何人乎。亦安所歸。故曰无攸利。全卦之凶。蔽于此矣。爻象見左氏筮法。

象曰。上六无寔。承虛筐也。

陽寔陰虛。爻陰應亦陰。故曰无寔。无寔則无所歸。承筐是將。不亦虛乎。爻雖士女互言。以女爲主。故象止釋首句之義。曰士曰女。未成夫婦也。

三三

離下
震上

豐亨王假之。勿憂。宜日中。

卦體明以動。有識有爲。規模宏大。豐之象也。有亨。

道焉孰大之王大之也出乎震嚮乎離皆王也夫
盈滿則易障蔽此其中有憂焉而勿然也離以日
之中而照天下能保此大則正當乘此日中而普
照

彖曰豐大也明以動故豐

明動非大但明動則規模必宏故曰大以字與而
字不同而字有兩意以字只是一意重在首字此
卦欲其明而防其昏故首發此以爲玩辭之要
王假之尚大也勿憂宜日中宜照天下也

尚上也以大爲上不安卑小照天下謂常如離日

之中也

日中則昃月盈則食天地盈虛與時消息而況於人乎況於鬼神乎

夫所謂憂者非日中也亦謂日既中卽此而昃耳唯月亦然且天地盈虛與時消息炎寒遞代山澤成毀無事不然而況于人當乘此消息鬼神之能主此消息者乎錢國瑞曰離爲日互兌爲西昃象二至上大象坎爲月互兌爲毀蝕象

象曰雷電皆至豐君子以折獄致刑

治獄以明爲主豐與噬嗑是也折獄法離之明致

刑法震之果不曰用刑而曰致刑情有輕重罪分
大小各致于其所而不紊也

初九遇其配主雖旬无咎往有尙

五爲豐之主初不應五而應四。是所遇者與我匹
配。即可爲我之主。初四皆剛。故曰匹。雖延十日而
不以爲咎。以四在上。初志在尙往。不厭多日也。文
王以一日象之。故曰宜日中。周公以十日象之。故
曰雖旬无咎。

象曰雖旬无咎過旬災也

十日爲旬。旬。圖无咎。若因而過之。盈旬之後。隣于

周易圖說 卷之九
日昃坐生他災矣。折中曰：爻意謂同德相濟，雖盈滿可以无咎。傳意謂正宜及今圖之，稍過于中，便將有災，其意相備。

六二：豔其蔀，日中見斗。往得疑疾，有孚發若吉。

蔀，草名。廣雅云：魚薺也。可以編茅覆屋。斗以建衡平君象也。以喻五二明體剛爻與五明動相資而兩柔不相應。當豔之時，仰觀廣廈之壯，知其所蔽之深。日中也而見斗，則已昃矣。往而拯之，其能免于疑疾乎？惟有積誠信以感發其心志耳。象以日中勉之，爻以非日中惕之。斗沐反對日中取象。

震荏葦故曰蒨曰沛吳進退不果曰疑

象曰有孚發若信以發志也

二雖豐蒨然五得位得中猶可大事故發若之孚
可施

九三豐其沛日中見沬折其右肱无咎

劉熙曰沛者水草相生之名公羊傳草棘曰沛齊
侯田于沛是也沬舊說皆以爲小星九家易以爲
斗杓後星薛云輔星三與四比當豐之時徘徊苑
囿池沼之間知其所蔽之深雖日中而舉頭見沬
蓋謂四之不能佐五也于是三自忖度知其无用

于世如右肱之折然不用亦无咎 五斗四沫所以尊五也兌爲毀折故象之

象曰豐其沛不可大事也折其右肱終不可用也四居近位而晦暗若此豈可大事將終无用之日矣

九四豐其蔀日中見斗遇其夷主吉

夷等也四與五比故所見與二相同所幸四與初應初離體而剛是我同等以之爲主相與有成吉之道也初謂四曰配貴之也四謂初曰夷輕之也象曰豐其蔀位不當也日中見斗幽不明也遇其夷

主吉行也。

所以豐蔀者以五位柔暗之故暗則不明矣四與初兩剛同等相偕而行庶乎有濟。

六五來章有慶譽吉。

章謂二二在離中故曰章章明也五柔暗不明无以照天下然王者不以一己之明爲明而以天下之明爲明若能來致二爻離明之賢則慶集于一身譽流于後世矣。彖所謂宜日中者初曰往此曰來二五之應也。

象曰六五之吉有慶也。

言慶則譽在其中重言以深聳之

上六豐其屋，蔀其家，闕其戶，聞其無人。三歲不覿，凶。居一卦之上，而位極其高，故豐其屋，體陰柔之質，而才蔽于暗，故曰蔀其家。无剛明之才，以用下，因而窺之，不復見人，遲之又久，凶之道也。艮門闕，闕寺反爲震之大塗，故闕戶无人。沈艮思曰：此爻戒居積之大，以警有國有家者。秦政阿房宮，隋煬洛口倉，是也。

象曰：豐其屋，天際翔也；闕其戶，聞其无人，自藏也。天際翔，如鳥斯革，如翬斯飛也。自藏者，蕭條之極。

消泪閉藏言屋高大到天際却只自障蔽而已